

# বিভিন্ন শিক্ষাপ্রতিষ্ঠান ও জেলায় ছাত্র ফ্রন্টের সম্মেলন ও কাউন্সিল অনুষ্ঠিত



ছাত্র ফ্রন্ট রংপুর মহানগর শাখার আলোচনা সভা পূর্ব র্যালি

রংপুর : ছাত্র ফ্রন্ট রংপুর মহানগর শাখার কমিটি পরিচিতিসভা ৩১ জুলাই '১৯ শহরের শাপলা চত্বরে যুগেশ ত্রিপুরার সভাপতিত্বে ও মৌসুমি আক্তার মৌ-এর পরিচালনায় অনুষ্ঠিত হয়। সমাবেশে বক্তব্য রাখেন বাসদ রংপুর জেলা সমন্বয়ক আব্দুল কুদ্দুস, ছাত্র ফ্রন্ট কেন্দ্রীয় কমিটির সদস্য রাধা রানী বর্মণ। পূর্বে অনুষ্ঠিত কাউন্সিলে যুগেশ ত্রিপুরা-কে সভাপতি, প্রোহলাদ রায়-কে সহসভাপতি, মৌসুমী আক্তার মৌ-কে সাধারণ সম্পাদক ও রাফিউল ইসলাম রুবেলকে সাংগঠনিক সম্পাদক করে ১৫ সদস্যবিশিষ্ট কমিটি পরিচয় করিয়ে দেয়া হয়।

## কবিগুরু রবীন্দ্রনাথ ঠাকুর ও বিদ্রোহী কবি কাজী নজরুল ইসলাম স্মরণে আলোচনাসভা ও ব্রজমোহন কলেজের কমিটি পরিচিতিসভা

২৯ জুলাই '১৯ বরিশাল ব্রজমোহন কলেজে সমাজতান্ত্রিক ছাত্র ফ্রন্ট এর উদ্যোগে লাইব্রেরি ভবনে কবিগুরু রবীন্দ্রনাথ ঠাকুর ও বিদ্রোহী কবি কাজী নজরুল ইসলাম স্মরণে আলোচনা সভা, ব্রজমোহন কলেজের র্যালি ও কমিটি পরিচিতিসভা অনুষ্ঠিত হয়। সভা মুজাম্মেল হক সাগর এর সভাপতিত্বে ও হাফিজুর রহমান, অবেশা দাস প্রমির পরিচালনায় অনুষ্ঠিত হয়।

অনুষ্ঠানের শুরুতে ছাত্র ফ্রন্ট লাল পতাকা সজ্জিত একটি মিছিল নিয়ে ব্রজমোহন কলেজ প্রদক্ষিণ করে। পরবর্তী আলোচনা সভায় বক্তব্য রাখেন ব্রজমোহন কলেজের ইংরেজি বিভাগের সহকারি অধ্যাপক রঞ্জিত মল্লিক, বাসদ জেলার সদস্য বদরুদ্দোজা সৈকত, ছাত্র ফ্রন্ট কেন্দ্রীয় কমিটির আন্তর্জাতিকবিষয়ক সম্পাদক ডা. মনীষা চক্রবর্তী, ছাত্র ফ্রন্টের জেলা শাখার সাংগঠনিক সম্পাদক নীলিমা জাহান প্রমুখ।

আলোচনা সভায় নেতৃবৃন্দ বলেন, শিক্ষার অধিকার রক্ষার ও শোষণমুক্তির জন্য ছাত্রদের লড়াই সংগ্রামে ছাত্র ফ্রন্টকেই অগ্রণী ভূমিকা পালন করতে হবে। কবিগুরু রবীন্দ্রনাথ ঠাকুরের মানবতাবাদী দর্শন ও বিদ্রোহী কবি কাজী নজরুলের বিদ্রোহী চেতনা ধারণ করে ছাত্রদেরকেই এই বৈষম্যের অচলায়তন ভাঙতে হবে। নেতৃবৃন্দ বিএম কলেজসহ জাতীয় বিশ্ববিদ্যালয়ের সংকট সমাধানে জোরদার ছাত্র আন্দোলন গড়ে তোলার জন্য শিক্ষার্থীদের প্রতি আহবান জানান।

আলোচনা সভার পর রবীন্দ্র-নজরুল স্মরণে কুইজ প্রতিযোগিতার পুরস্কার বিতরণ ও অনুষ্ঠিত হয়। পরবর্তীতে সমাজতান্ত্রিক ছাত্র ফ্রন্ট ব্রজমোহন কলেজ শাখার নতুন কমিটি মুজাম্মেল হক সাগরকে সভাপতি, সাগর দাস আকাশকে সহসভাপতি ও অবেশা দাস প্রমিকে সাধারণ সম্পাদক করে ১৪ সদস্যবিশিষ্ট ঘোষণা করা হয়।

নীলফামারী সরকারি কলেজ : ২৮ জুলাই '১৯ ছাত্র ফ্রন্ট নীলফামারী সরকারি কলেজ শাখার কাউন্সিল বড়মাঠ চত্বরে অনুষ্ঠিত হয়। কাউন্সিলে উপস্থিত ছিলেন বাসদ জয়পুরহাট জেলার আহ্বায়ক কমরেড ওয়াজেদ পারভেজ, রংপুর জেলার সমন্বয়ক আব্দুল কুদ্দুস, নীলফামারী জেলা সমন্বয়ক ইউনুস আলী, ছাত্র ফ্রন্ট কেন্দ্রীয় কমিটির দপ্তর সম্পাদক শ্যামল বর্মণ। কাউন্সিলে মো. মিলন ইসলাম-কে আহ্বায়ক ও উত্তম কুমার-কে সাধারণ সম্পাদক করে ৭ সদস্যবিশিষ্ট নতুন কমিটি গঠন করা হয়।

গাইবান্ধা : ২৭ জুলাই '১৯ ছাত্র ফ্রন্ট গাইবান্ধা শহর শাখার কাউন্সিল সংগঠন কার্যালয়ে অনুষ্ঠিত হয়। কাউন্সিলে উপস্থিত ছিলেন বাসদ গাইবান্ধা জেলা সমন্বয়ক কমরেড গোলাম রব্বানী, ছাত্র ফ্রন্ট কেন্দ্রীয় দপ্তর সম্পাদক শ্যামল বর্মণ। কাউন্সিলে ফরিদুল ইসলাম-কে আহ্বায়ক ও মুন্না ইসলাম-কে সাধারণ সম্পাদক করে ১২ সদস্যবিশিষ্ট কমিটি গঠন করা হয়।

**কুড়িগ্রাম :** ২৬ জুলাই '১৯ ছাত্র ফ্রন্ট কুড়িগ্রাম জেলা শাখার কাউন্সিল সংগঠনের জেলা কার্যালয়ে অনুষ্ঠিত হয়। কাউন্সিলে উপস্থিত ছিলেন বাসদ কুড়িগ্রাম জেলা আহ্বায়ক কমরেড ফুলবর রহমান, ছাত্র ফ্রন্টের রংপুর নগরের সভাপতি যুগেশ ত্রিপুরা, কাউন্সিলে আতিকুর রহমান-কে আহ্বায়ক ও বকুল আহমেদ-কে সাধারণ সম্পাদক করে ১১ সদস্যবিশিষ্ট কমিটি গঠন করা হয়।

**মৌলভীবাজার :** ছাত্র ফ্রন্ট মৌলভীবাজার জেলা শাখার পঞ্চম কাউন্সিল ২৬ জুলাই জেলা কার্যালয়ে অনুষ্ঠিত হয়। কাউন্সিলে উপস্থিত ছিলেন বাসদ জেলা আহ্বায়ক অ্যাড. মইনুর রহমান মগনু ও ছাত্র ফ্রন্ট কেন্দ্রীয় কমিটির সহসভাপতি আল-কাদেরী জয়। কাউন্সিলে রেহনোমা রুবাইয়াত-কে সভাপতি, বিশ্বজিত নন্দী-কে সহসভাপতি ও মারুফ হোসেন-কে সাধারণ সম্পাদক করে ১১ সদস্যবিশিষ্ট নতুন কমিটি গঠন করা হয়।



ছাত্র ফ্রন্ট মৌলভীবাজার জেলা কাউন্সিলে নবনির্বাচিত কমিটির নেতৃবৃন্দ লাল সালাম জানাচ্ছেন

## উচ্চমাধ্যমিক প্রথম বর্ষের নবীনবরণ ও ঢাকা নগর শাখার কমিটি পরিচিতি সভা অনুষ্ঠিত

সমাজতান্ত্রিক ছাত্র ফ্রন্ট ঢাকা নগর শাখার উদ্যোগে ২৪ জুলাই '১৯ উচ্চমাধ্যমিক প্রথম বর্ষের নবীনবরণ ও ঢাকা নগর শাখার কমিটি পরিচিতি উপলক্ষে আলোচনাসভা ঢাকা বিশ্ববিদ্যালয়ের আর সি মজুমদার মিলনায়তনে অনুষ্ঠিত হয়। নবীনবরণে প্রায় ৫ শতাধিক শিক্ষার্থী অংশগ্রহণ করে। আলোচনা সভায় বক্তব্য রাখেন বাসদ কেন্দ্রীয় কমিটির সদস্য কমরেড বজলুর রশীদ ফিরোজ, ঢাকা বিশ্ববিদ্যালয়ের আন্তর্জাতিক সম্পর্ক বিভাগের সহযোগী অধ্যাপক তানজীম উদ্দিন খান, ছাত্র ফ্রন্ট কেন্দ্রীয় কমিটির সাধারণ সম্পাদক নাসির উদ্দিন খ্রিস্ট। সভায় সভাপতিত্ব করেন নগর কমিটির সভাপতি রুখসানা আফরোজ আশা এবং পরিচালনা করেন সাধারণ সম্পাদক মুজা বাউড়। সরকারি বদরুন্নেছা কলেজ, সরকারি বিজ্ঞান কলেজ, আজিমপুর গভর্নমেন্ট গার্লস স্কুল এন্ড কলেজ, খিলগাঁও মডেল কলেজ, ঢাকা কলেজ, নবকুমার ইন্সটিটিউশন ও ড. শহীদুল্লাহ কলেজ, তেজগাঁও কলেজসহ ১২টি কলেজের উচ্চমাধ্যমিক প্রথম বর্ষের নবীন বন্ধুরা বক্তব্য রাখেন।

আলোচনা সভায় নেতৃবৃন্দ বলেন, দেশ আজ এক গভীর সংকটে নিমজ্জিত। গুম-খুন-ধর্ষণ মহামারি আকারে ছড়িয়ে পড়েছে। নতুন করে যুক্ত হয়েছে গুজব, গণপিটুনিতে মানুষের মৃত্যু, এডিস মশার কামড়ে ডেঙ্গু আক্রান্ত হয়ে জ্বর। বিচারব্যবস্থার উপর মানুষের আস্থা নেই। শিক্ষাকে ক্রমাগত বাণিজ্যিক পণ্যে পরিণত করা হচ্ছে। সরকারি উদ্যোগে স্কুল-কলেজ-বিশ্ববিদ্যালয় নির্মাণের বদলে প্রসারিত করা হচ্ছে বেসরকারি উদ্যোগ। এর ফলে বিপুল সংখ্যক শিক্ষার্থীরা শিক্ষার অধিকার থেকে বঞ্চিত হচ্ছে। এমন এক গভীর তমসচ্ছন্ন পরিস্থিতিতে অতীতের মতো ছাত্রসমাজকেই অগ্রণী ভূমিকা পালনে এগিয়ে আসতে হবে।



উচ্চমাধ্যমিক শিক্ষার্থীদের নবীনবরণ ও ছাত্র ফ্রন্ট ঢাকা নগর শাখার কমিটি পরিচিতি সভা ঢাবির আর সি মজুমদার হলে জমায়েতের একাংশ

সভা শেষে মুক্তা বাউঁকে সভাপতি, ডালিম আল মামুনকে সহসভাপতি এবং অনিক কুমার দাসকে সাধারণ সম্পাদক ও আনারুল ইসলামকে সাংগঠনিক সম্পাদক করে ১৫ সদস্যবিশিষ্ট ঢাকা নগর শাখার নতুন কমিটি পরিচয় করিয়ে দেয়া হয়। এরপর বিভিন্ন কলেজের শিক্ষার্থীদের উদ্যোগে মনোজ্ঞ সাংস্কৃতিক অনুষ্ঠান অনুষ্ঠিত হয়।

**চট্টগ্রাম :** ছাত্র ফ্রন্ট চট্টগ্রাম নগর শাখার নবম সম্মেলন ১৮ জুলাই '১৯ চট্টগ্রাম কেন্দ্রীয় শহিদ মিনার প্রাঙ্গণে আল-কাদেরী জয়ের সভাপতিত্বে ও রায়হান উদ্দিনের পরিচালনায় অনুষ্ঠিত হয়। সম্মেলন উপলক্ষে আয়োজিত আলোচনা সভায় বক্তব্য রাখেন বাসদ কেন্দ্রীয় কমিটির সদস্য কমরেড রাজেকুজ্জামান রতন, ছাত্র ফ্রন্ট কেন্দ্রীয় কমিটির সভাপতি ইমরান হাবিব রুমন। সম্মেলনে রায়হান উদ্দিন-কে সভাপতি, দেবরঞ্জন দেব-কে সহসভাপতি, ঋজু লক্ষ্মী অবরোধ-কে সাধারণ সম্পাদক এবং মিরাজ উদ্দিন-কে সাংগঠনিক সম্পাদক করে কাউন্সিলে গঠিত ১৩ সদস্যের নতুন কমিটি পরিচয় করিয়ে দেয়া হয়।



ছাত্র ফ্রন্ট চট্টগ্রাম জেলা কাউন্সিলে নবনির্বাচিত কমিটির নেতৃবৃন্দ লাল সালাম জানাচ্ছেন

**জয়পুরহাট :** ১৭ জুলাই '১৯ ছাত্র ফ্রন্ট জয়পুরহাট জেলা শাখার কাউন্সিল অনুষ্ঠিত হয়। কাউন্সিল পরবর্তীতে শহরে পাচুরমোড়ে সমাবেশ ও মিছিল অনুষ্ঠিত হয়। সমাবেশ শেষে কাউন্সিলে গঠিত নতুন কমিটি পরিচয় করিয়ে দেন ছাত্র ফ্রন্ট কেন্দ্রীয় কমিটির সাধারণ সম্পাদক নাসির উদ্দিন প্রিন্স। কাউন্সিলে জয়ন্ত রায়-কে সভাপতি ও রাসেদুজ্জামান রাসেদ-কে সাধারণ সম্পাদক করে ১৩ সদস্য বিশিষ্ট জয়পুরহাট জেলা কমিটি পরিচয় করিয়ে দেয়া হয়।

**রাজশাহী বিশ্ববিদ্যালয় :** ১৬ জুলাই '১৯ ছাত্র ফ্রন্ট রাজশাহী বিশ্ববিদ্যালয় শাখার কাউন্সিল রাকসু ভবনে অনুষ্ঠিত হয়। কাউন্সিলে উপস্থিত ছিলেন বাসদ রাজশাহী জেলা সমন্বয়ক কমরেড আলফাজ হোসেন যুবরাজ, ছাত্র ফ্রন্ট কেন্দ্রীয় কমিটির সাধারণ সম্পাদক নাসির উদ্দিন প্রিন্স, সদস্য সোহরাব হোসেন। কাউন্সিলে রিদম শাহরিয়ার-কে আহ্বায়ক ও নাহিন আহম্মেদ-কে সাধারণ সম্পাদক করে ৮ সদস্যবিশিষ্ট কমিটি ঘোষণা করা হয়।

**সিরাজগঞ্জ :** ১৫ জুলাই '১৯ ছাত্র ফ্রন্ট সিরাজগঞ্জ জেলা শাখার কাউন্সিল সংগঠন কার্যালয়ে অনুষ্ঠিত হয়। কাউন্সিলে উপস্থিত ছিলেন বাসদ সিরাজগঞ্জ জেলা সমন্বয়ক কমরেড নব কুমার কর্মকার, ছাত্র ফ্রন্ট কেন্দ্রীয় কমিটির দপ্তর সম্পাদক শ্যামল বর্মণ। কাউন্সিলে রিপন করিম-কে সভাপতি ও কামরুল হাসান-কে সাধারণ সম্পাদক করে ১৬ সদস্যবিশিষ্ট নতুন কমিটি গঠন করা হয়।

**সরকারি শাহ সুলতান কলেজ, বগুড়া :** ৪ আগস্ট '১৯ ছাত্র ফ্রন্ট সরকারি শাহ সুলতান কলেজ শাখার কাউন্সিল সংগঠনের জেলা কার্যালয়ে অনুষ্ঠিত হয়। কাউন্সিলে উপস্থিত ছিলেন বাসদ বগুড়া জেলার আহ্বায়ক কমরেড সাইফুল ইসলাম পল্টু, শ্রমিক ফ্রন্ট বগুড়া জেলার সাধারণ সম্পাদক মাসুদ পারভেজ, ছাত্র ফ্রন্ট কেন্দ্রীয় কমিটির দপ্তর সম্পাদক শ্যামল বর্মণ। কাউন্সিলে সুব্রত সরকারকে আহ্বায়ক ও তুষার কুমারকে সাধারণ সম্পাদক করে ৬ সদস্যবিশিষ্ট নতুন কমিটি গঠন করা হয়।

**নওগাঁ সরকারি কলেজ :** ১১ জুলাই '১৯ ছাত্র ফ্রন্ট নওগাঁ সরকারি কলেজ শাখার কাউন্সিল সংগঠন কার্যালয়ে অনুষ্ঠিত হয়। কাউন্সিলে উপস্থিত ছিলেন বাসদ নওগাঁ জেলা সমন্বয়ক কমরেড জয়নাল আবেদীন মুকুল, ছাত্র ফ্রন্ট কেন্দ্রীয় দপ্তর সম্পাদক শ্যামল বর্মণ, সদস্য রাধা রানী বর্মণ। কাউন্সিলে অলিপ্র প্রামাণিক-কে আহ্বায়ক ও শুভ ভৌমিক-কে সাধারণ সম্পাদক করে ৭ সদস্যবিশিষ্ট কমিটি গঠন করা হয়।

**নওগাঁ :** ১১ জুলাই '১৯ ছাত্র ফ্রন্ট নওগাঁ জেলা শাখার কাউন্সিল সংগঠন কার্যালয়ে অনুষ্ঠিত হয়। কাউন্সিলে উপস্থিত ছিলেন বাসদ নওগাঁ জেলা সমন্বয়ক কমরেড জয়নাল আবেদীন মুকুল, ছাত্র ফ্রন্ট কেন্দ্রীয় দপ্তর সম্পাদক শ্যামল বর্মণ, সদস্য রাধা রানী বর্মণ। কাউন্সিলে মিতালী প্রামাণিক-কে আহ্বায়ক ও অলিপ্র প্রামাণিক-কে সাধারণ সম্পাদক করে ১৩ সদস্যবিশিষ্ট জেলা কমিটি গঠন করা হয়।

**বরগুনা সরকারি কলেজ :** সমাজতান্ত্রিক ছাত্র ফ্রন্ট সরকারি বরগুনা কলেজ শাখার কাউন্সিল ১১ জুলাই '১৯ কলেজ ক্যাম্পাসে অনুষ্ঠিত হয়। কাউন্সিলে সাইদুর রহমানকে সভাপতি, আতিকুর রহমানকে সহসভাপতি, দীপজয় চক্রবর্তীকে সাধারণ সম্পাদক করে ১২ সদস্যবিশিষ্ট নতুন কমিটি গঠন করা হয়। কাউন্সিলে উপস্থিত ছিলেন ছাত্র ফ্রন্টের আন্তর্জাতিকবিষয়ক সম্পাদক ডা. মনীষা চক্রবর্তী।

**গুরুদয়াল কলেজ :** ছাত্র ফ্রন্ট গুরুদয়াল কলেজ শাখার কাউন্সিল ২২ জুলাই '১৯ অনুষ্ঠিত হয়। কাউন্সিলে উপস্থিত ছিলেন বাসদ কিশোরগঞ্জ জেলার সমন্বয়ক অ্যাড. শফীকুল ইসলাম, ছাত্র ফ্রন্ট কেন্দ্রীয় কমিটির সহসভাপতি আল কাদেরী জয়, কেন্দ্রীয় কমিটির সদস্য সোহরাব হোসেন, জেলা বাসদ সদস্য সাজেদুল ইসলাম সেলিম, ছাত্র ফ্রন্ট জেলা সংগঠক খালেদা আক্তার। কাউন্সিলে মোহাম্মদ জুব্বন আলী-কে আহবায়ক ও জহিরুল ইসলাম সুমনকে সদস্যসচিব করে ৮ সদস্যবিশিষ্ট নতুন কমিটি গঠন করা হয়।

**নোহার নান্দলা আলিম মাদ্রাসা :** ছাত্র ফ্রন্ট কিশোরগঞ্জ জেলার নোহার নান্দলা আলিম মাদ্রাসা শাখার কাউন্সিল ২২ জুলাই '১৯ অনুষ্ঠিত হয়। কাউন্সিলে উপস্থিত ছিলেন বাসদ কিশোরগঞ্জ জেলার সমন্বয়ক অ্যাড. শফীকুল ইসলাম, ছাত্র ফ্রন্ট কেন্দ্রীয় কমিটির সহসভাপতি আল কাদেরী জয়, কেন্দ্রীয় কমিটির সদস্য সোহরাব হোসেন, জেলা বাসদ সদস্য সাজেদুল ইসলাম সেলিম, ছাত্র ফ্রন্ট জেলা সংগঠক খালেদা আক্তার। কাউন্সিলে আনোয়ার হোসেন রণি-কে আহবায়ক ও মোহাম্মদ নয়ন মিয়া-কে সদস্যসচিব করে ৬ সদস্যবিশিষ্ট নতুন কমিটি গঠন করা হয়।

**খিলগাঁও থানা শাখা :** ছাত্র ফ্রন্ট খিলগাঁও থানা শাখার কাউন্সিল ৫ জুলাই বেগম রোকেয়া স্মৃতি পাঠাগারে অনিক কুমার দাসের সভাপতিত্বে অনুষ্ঠিত হয়। কাউন্সিলে বক্তব্য রাখেন ছাত্র ফ্রন্ট কেন্দ্রীয় কমিটির স্কুলবিষয়ক সম্পাদক সজল বাউড়ি, ঢাকা মহানগর কমিটির সাধারণ সম্পাদক মুক্তা বাউড়ি, অর্থ সম্পাদক ডালিম আল মামুন। কাউন্সিলে সজীব খান-কে সভাপতি, কিরণ দাস-কে সহসভাপতি, সোহাগী সামিয়াকে সাধারণ সম্পাদক ও শাওন শেখকে সাংগঠনিক সম্পাদক করে ১৪ সদস্যবিশিষ্ট নতুন কমিটি গঠন করা হয়। উল্লেখ্য, ১৪ জুলাই খিলগাঁও হুসাইন মোহাম্মদ এরশাদ সরকারি প্রাথমিক বিদ্যালয়ে বিজ্ঞানী মাদাম কুরির স্মরণে তার জীবন-সংগ্রাম নিয়ে ডকুমেন্টারি প্রদর্শনী ও আলোচনা সভার পর নব গঠিত কমিটি পরিচয় করিয়ে দেয়া হয়।

**সিলেট মহানগর :** ছাত্র ফ্রন্ট সিলেট মহানগর শাখার নবম কমিটি পরিচিতিসভা ৩১ জুলাই '১৯ অনুষ্ঠিত হয়। পাশ্চ চন্দের সভাপতিত্বে সঞ্জয় শর্মার পরিচালনায় সভায় বক্তব্য রাখেন সিলেট কৃষি বিশ্ববিদ্যালয়ের সয়েল সায়েন্স বিভাগের ডিন অধ্যাপক ড. আবুল কাশেম, বাসদ জেলা সমন্বয়ক আবু জাফর আহমেদ, বিজ্ঞান আন্দোলন মঞ্চের উপদেষ্টা প্রণব জ্যোতি পাল, ছাত্র ফ্রন্ট মৌলভীবাজার জেলার সভাপতি রেহনোমা রুবাইয়াত, ছাত্র ইউনিয়ন জেলা সংসদ এর সাধারণ সম্পাদক নাবিল হাসান।

আলোচনা শেষে কাউন্সিলে গঠিত নতুন কমিটি সঞ্জয় শর্মা-কে আহবায়ক ও সুব্রত বসু চৌধুরী-কে সদস্যসচিব করে গঠিত ১০ সদস্যের নতুন কমিটি পরিচয় করিয়ে দেয়া হয়।